

Siunnersuummut nassuiaatit

Nassuiaatit nalinginnaasut**1. Aallaqqaasiut**

Kalaallit Nunaat Global Forumimi ilaasortaalerpoq. Nunani tamalaani akileraartarnikkut peqquserluttoqaratarsinnaanerata annikillisarneqarnissaa suliniaqatigiiffiup suliassaraa. Tamanna ilaatigut ingerlanneqassaaq nunat ilaasortaasut akileraartarnikkut attuumassuteqartunik paasissutisseeqatigiittarnerisigut. Taamaalillutik Naalakkersuisut Akileraaruserinermik ingerlatsineq pillugu Inatsisartut inatsisaanni § 35 a, (akileraaruserinermik ingerlatsineq pillugu inatsit) tunngavigalugu atuutsilerpaat aningaasatigut kontunik nunanut allanut attuumassutilinnik kinaassutsimik uppersaasarneq nalunaaruteqartarnerlu pillugu nalunaarut nr. 13, 30. august 2017-imeersoq (CSR) aammalu aningaasanut kontut USA-mut attuumassuteqartut ilisimanissaat nalunaarutigineqarnissaallu pillugit nalunaarut nr. 5, 3. maj 2017-imeersoq (FATCA), taakku malillugit nalunaaruteqartussaataitaasut (maanna aningaaseriviit marluk) qaammatisiutit ukiuata nalunaaruteqarfissamut attuumassuteqartup kingorna kingusinnerpaamik ulloq 1. maj paasissutissat nunani allani akileraartarnermik oqartussanit soqutiginaateqarsinnaasut nalunaarutigissallugit pisussaapput.

Aningaasatigut kontunik nunanut allanut attuumassutilinnik kinaassutsimik uppersaasarneq nalunaaruteqartarnerlu pillugu nalunaarut nr. 13, 30. august 2017-imeersoq naaportorlugu ulloq 1. maj nalunaaruteqarnissamut killissarititaasumit sivikinnerpaamik ukiuni 5-ini paasissutissat paarlaassisutiginerqartussat nalunaartussaataitaasut paarisassagaat nunani tamalaani atuuttussatut Global Forumimi isumaqatigiissutiginerqarpoq. Piumasaqaatip tamatumaa Kalaallit Nunaannit malinneqarnissaata qulakkeerneqarnissaa siunnersuutikkut anguniarneqarpoq. Taamaalilluni nalunaaruteqartussaataitaasut malittarisassanut sanilliullugu qaammatinik 4-nik sivisunerunermik paasissutissanik paarinnittussaataitaassapput.

OECD-p nalunaaruteqartussaataitaanermik ataatsimut periusia malillugu piumasaqaataavoq inatsisinik atuutsitsisut aningaaserivinnut nalunaaruteqartussaataitaasunut periuseq malillugu qanoq piumasaqaateqarsimanertik nalunaarsortussaavaat aammalu periuseq aalajangersimasoq malillugu suliffeqarfinnik tigusinerit/suliffeqarfiit kattunneri pillugit misissuinerni periaatsinut atatillugu uppersaasatit atornerqartut nalunaarsortussaallugit. Nalunaarsukkat taamaattut piffissami sivisuumi pissarsiarineqarsinnaassapput ataatsimut isigalugu periuseq malillugu aningaaseriviit nalunaaruteqartut paasissutissat nalunaarutigineqartussaataitaasut tunniunneqarfissaata kingorna sivikinnerpaamik ukiuni 5-ini pissarsiarineqarsinnaassallutik. Nalunaaruteqartussaananermi ataatsimut periutsimi immikkoortoq IX-mut "Standard for Automatic Exchange of Financial Account Information in Tax Matters"-imi tamanut saqqummiunneqartumut OECD-p oqaaseqaataani imm. 7-imi

tamanna allassimavoq. OECD-p periusia malillugu atortussat nalunaaruteqarnermi tunngavigineqartut, tassungalu ilanngullugit suliffeqarfinnik tigusinermi/suliffeqarfiit kattunneranni periutsinut aningaasatigut kontut nalunaarutigineqartussaasut suussusersiniarlugit ingerlanneqartunut tunngavigineqartut piffissap nalunaaruteqarfiusussap naanerani ukiuni 5-ini taamaalilluni paarineqartussaapput. Aningaasatigut kontunik nunanut allanut attuumassutilinnik kinaassutsimik uppernarsaasarneq nalunaaruteqartarnerlu pillugu Namminersorlutik Oqartussat nalunaarutaanni nr. 13, 30. august 2017-imeersumi § 107 naapertorlugu nalunaaruteqarnissamut killissarititaavoq qaammatsiutit ukiuata nalunaaruteqarfiusussap kingorna ulloq 1. maj. Ulloq 1. maj arfininngornermiippat, sapaammiippat imaluunniit ulluni nalliuttuniippat killissarititaasoq tassaavoq taakku kingorna ulluinaq, tamanna aamma atuuppoq aningaasanut kontut USA-mut attuumassuteqartut ilisimanissaat nalunaarutigineqarnissaallu pillugit Namminersorlutik Oqartussat nalunaarutaanni nr. 5, 3. maj 2017-imeersumi § 69-imut atatillugu.

Tamanna tunngavigalugu OECD-p nalunaaruteqarnissamut ataatsimut periusiata nunatsinni atuutsinneqalernissaata misissorneqarneranut atatillugu Global Forum on Transparency and Exchange of Information for Tax Purposesimit uparuarneqarpoq paarinninnissamut piffissaritinneqartoq pillugu nunatsinni inatsimmi OECD-p Global Forumiata periusia malinneqanngitsoq.

FATCA-mi paasissutissat nunat tamalaat Global Forumimi periuttimi ilaatinneqanngillat, taamaakkaluartoq inatsit ataqatigiissinniarlugu paasissutissat taakku ilanngunneqarnissaat siunnersuutigineqarpoq. Taamaaliornikkut aningaaseriviit nalunaaruteqartussaataasut FATCA aamma CSR-imi paasissutissanik uninngatitsinermi ataqatigiissaarinerat pisariinnerulissanganneqarpoq.

Aammattaq siunnersuut aningaasaqarnermik avitseqatigiinnerup iluani akileraarutininik eqqortumik akiliisarnerup nukittorsarneqarnissaanik kissaateqarnermut takussutissaavoq.

Aningaasaqarnermik avitseqatigiittarneq suliassaqarfiuvoq sukkasuumik ineriartortoq. Tassani ingerlatsinermut ilusiliaq pineqarpoq, inuinaat kiffartuussinernik tuniniaasarlutik imaluunniit pigisaminnik tamakkiisumik atunngisaminnik attartortitsisarlutik.

Aningaasaqarnermik avitseqatigiittarnermi ingerlatarineqartartunut qitiusumik ilisarnaataavoq allap tuniniaasup ujartuisullu akornanni attaveqartitsisarnera. Alla aallaaviusutut suliaqartarpoq, tuniniaasumik ujartuisumillu ataatsimoortitsiviusumik. Aallaaviusoq amerlanertigut digitalimik ingerlanneqartarpoq aammalu digitalimik aallaaviusumut piginnittoq nalinginnaasumik tassaasarluni ingerlatseqatigiiffik.

Aningaasaqarnermik avitseqatigiittarnermi suliaqartut, pisuni amerlasuuni niuerfinni aamma nalinginnaanerusumik inuussutissarsiuutigalugulu suliaqartut suliaqarfigisartagaanni, suliaqartuusarput. Aningaasaqarnermik avitseqatigiittarneq aammalu nalinginnaanerusumik nioqqutissanik kiffartuussinernillu sullissinerit, akileraartarnikkut assigiinngissuteqanngillat.

Aningaasaqarnermik avitseqatigiittarnermi ingerlatat akileraartarnermut maleruagassani nalinginnaasuni pineqartunut ilaapput, taakkua malillugit akileraartussaataasooq nammineq isertitaminut tunngasut pillugit paasissutissanik eqqortunik tamakkiisunillu akilerartarnermut oqartussanut paasissutissiisussaalluni. Akileraartussaataasup akileraaruserinermik ingerlatsineq pillugu Inatsisartut inatsisaat naapertorlugu, taamaalilluni ukiumoortumik nammineerluni nalunaarutiginninnermut atatillugu, isertitat suulluunniit akileraartarnermut ingerlatsivimmuut nalunaarutigisussaavai. Akileraartussaataasup nammineerluni atukkani pillugit akileraartarnermut oqartussanut paasissutissiisussaataanera nalinginnaasooq, akileraartarnermut ingerlatsiviup eqqortumik akileraarusiisinnanassamut aammalu ingerlalluurtumik akileraaruseeriaaseqarnissamik qulakkeerinninnissamut, akileraartussaataasup aningaasaqarneranut tunngasut pillugit pisariaqartunut paasisimasaqarnissaannut tunngaviusumik pisariaqarpoq.

Paasissutissanut akileraartarnermut oqartussap akileraartussaataasumit tigusassaannut ilanngullugit, akileraaruserinermik ingerlatsineq pillugu Inatsisartut inatsisaanni kapitali 6 naapertorlugu allanit paasissutissanik akileraartarnermut oqartussat aamma tigusaqartarput. Maleruagassat atuunneranni allat arlallit kaammattorneqaratik akileraartarnermut ingerlatsivimmuut paasissutissanik, allat akileraartarnerannut attuumassuteqartunik, tunniussisussaapput. Ilaatigut sulisitsisut sulisutik pillugit paasissutissanik arlalinnik akileraartarnermut oqartussanut tunniussisarput, taamatullu aningaaseriviit sullitatik pillugit paasissutissanik tunniussisarlutik. Tamatuma saniatigut akileraartarnermut oqartussat akilerartussaataasup akileraartussaataanerinik naammassinnissimanersoq misissuinerminut atatillugu allanit paasissutissanik piniarnissamut periarfissaqarput.

Aningaasaqarnermik avitseqatigiinnermi attartortitsisut tasaanerusarput inuinnaat, suliassaqarfiup ingerlataqarfigisamik iluani akileraartarnermut maleruagassanik killilimmik ilisimasaqartut. Taamaalilluni attartortitsisut amerlasuunut tassani pineqarpoq nalinginnaasumik suliffiup il.il. saniatigut allamik ingerlataqarneq, taamaattumik ingerlatartik akileraaruteqaataasussaasooq eqqumaffiginnginnerusinnaallugu. Akileraartarnermut Aqutsisoqarfiup nammineerluni nalunaarsuiffissami naqeriikkami paasissutissat nalunaarutigineqarsimasut ilanngunnerisigut, akileraartussaataasumut tamanna akileraarutininik suliarinninnerup ingerlanera pisariinnerulersinneqartussaavoq.

Ingerlatseqatigiiffiit sullissinernik suliaqartut paasissutissiisussaataalerpata tamanna Akileraartarnermut ingerlatsivimmumut paasissutissanik pissarsititsissaaq, illuummik aalaakkaasumik attartortitsinermut atatillugu akileraartussaataaernerup pitsaanerusumik naammassineqarnissaa oqartussanit qulakkeerneqarsinnaalissalluni.

Tamatuma saniatigut pissarsisumut tunisat isertitatut B-tut isertitaappata, tunisassianik aalisarnermeersunik, piniarnermeersunik, aallaaniarnermeersunik, savaateqarnermeersunik, eqqumiitsulianeersunik kusanartulianeersunillu tuniniaanermik sullissisut paasissutissiisussaataaassasut, siunnersuutip imaraa.

Pingaarnertut siunnerfigineqartoq tassaavoq kommunini kalaalimineerniarfinni tuniniaaneq, kisianni aamma elektroniskimik sullissisarfikkoortumik allakkoortumilluunniit tuniniaaneq aamma siunnersuummi pineqartunut ilaavoq.

Siunnersuummi allanik tuniniaassussineq aamma tuniniaanerit allat, sullissisoq tuniniaassussinermi akissarsiassanik tigusaqartarluni, pineqartunut ilaapput. Kisianni tunisarneq siunnersuutip avataaniippoq, tassami taamatut pisoqarnerani nalunaarutiginnittussaataaneq inatsimmi § 33 a, imm. 1 malillugu pisussaammat.

Sullissisartut paasissutissiisussaataaernerat akileraartussaataaernerup pitsaanerusumik naammassineqarnissaata qulakkeernissaanut iluaqutaassaaq.

Siunnersuut ataatsimut isigalugu akileraartussaataaasumi aammalu akileraartarnermut oqartussani akileraarusiinissamut suliat ingerlanerata pitsaanerunissaata qulakkeernissaanut iluaqutaassaaq. Peqatigisaanik tamanna naligiimmik pinninnissamut aammalu unammilleqatigiinnermi assigiinnerusunik atugassaqartitsinissamut iluaqutaassaaq, kiisalu akileraaruteqarnaveersaarnerit pinngitsoortinnissaannut iluaqutaassalluni.

2. Siunnersuummi immikkoortut pingaarnertit

Nunanut allanut atatillugu aningaasatigut kontut pillugit nalunaaruteqartussaataaernermut tunngavigineqartumi piffissaq paarinniffiusussaq pillugu nunatsinni maleruagassat nunani tamalaani periutsinut naapertuutsinneqalissasut siunnersuutigineqarpoq.

Taamaalilluni nunanut allanut atatillugu paasissutissanik nalunaarutiginnittarnermut tunngavigineqartoq ulloq 1. maajimi ullup nalunaaruteqarnissamut killissarititaasup naaneraniit ukiuni tallimani paarineqartassasoq siunnersuutigineqarpoq.

Siunnersuut malillugu tamanna isumaqarpoq aningaasaqarnikkut kontut pillugit 2018-imi paasissutissat tassungalu tunngavigineqartut aammalu kingusinnerpaamik ulloq 1. maj 2018-

imi nalunaarutigineqartussat ulloq 1. maj 2024-p tungaanut paarineqassasut, ullumikkut allaanerulluni, tassa naatsorsuutininik tunniussisussaataasut naatsorsuutit taakkununggalu ilanngussat ukiup naatsorsuuseriffiusup naanerata kingorna ukiuni tallimani paarisussaallugit. Malittarisassat aamma atuupput aningaasaqarnikkut kontut nunanut allanut attuumassuteqartut pillugit nalunaaruteqartussaasunut. Tamatuma nassatarisaanik kontut 2017-imut atatillugu nalunaarutigineqartussaataasut pillugit paasissutissat aammalu 1. maj 2018-imi nalunaarutigineqartussaasut tamatumunngalu tunngavigineqartoq ulloq 31. december 2022-mit sivilisunerusumik paarineqassanngillat.

Aammattaaq siunnersuutigineqarpoq digitalimik kiffartuussisarfikkoortumik illuummik aalaakkaasumik attartortitsinermik sullissisartoq, suut sullissiviusimanersut aammalu attartortitsisumut tamatumunnga akiliutit pillugit akileraartarnermut ingerlatsivimmut paasissutissanik tunniussisassasoq.

Paasissutissiisussaataaneq allanut aningaasanik nuussinerit ilumut ingerlanneqarsimanerat pillugu paasissutissanik peqartunut killilerneqassasoq siunnersuutigineqarpoq, ilanngullugit sullissivigineqartup imarisai pillugit aammalu akiliutinik akiliinerit pillugit paasissutissat.

Siunnersuutigineqarpoq paasissutissiisussaataaneq aamma sullissisartunut digitalimik aallaaveqartut saniatigut allanik sullissinernik ingerlatitsivikkoortumik, kisianni attartortitsinermut akiliutit kiffartuussisarfikkoortumik ingerlanneqartarlutik, suliaqartartunut aamma atuutissasoq.

Kiisalu siunnersuutigineqarpoq kalaalimineerniarfinni, digitalimik aallaavigisani assigisaanniilluunniit tunisassianik aalisarnermeersunik, piniarnermeersunik, aallaaniarnermeersunik, savaateqarnermeersunik, eqqumiitsuliornermeersunik kusanartuliornerneersunillu akilerneqarlutik tuniniaassussisut, suut sullissisutaasimanersut, kikkut akiliutinik tigusaqarsimanersut aammalu aningaasat qanoq annertutigisut pissarsisussap tigusi-manerai il.il. ukiut tamaasa akileraartarnermut ingerlatsivimmut nalunaarutigisassagai.

Inatsisissatut siunnersuut inatsisimmut atuuttumut sanilliullugu	
<i>Oqaasertaliinerit atuuttut</i>	<i>Inatsisissatut siunnersuut</i>
	§ 1
	Akileraaruserinermik ingerlatsineq pillugu Inatsisartut inatsisaat nr. 11, 2. november 2006-imeersumi, kingullermik Inatsisartut inatsisaanni nr. 11, 1. juni 2017-imeersumi

	<p>allanngortinneqartumi, makku allanngortinneqarput:</p>
	<p>1. § 18, imm. 4-p kingorna ilanngunneqassaaq: “<i>Imm. 5.</i> Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi § 35 a naapertorlugu malittarisassat atuutsinneqartut malillugit paasissutissanut nalunaarutigineqartussanut tunngavigineqartoq, tassungalu ilanngullugu paasissutissat nalunaarutigineqartussasatitaanersut paasiniarneqarnissaani atorineqartussatut paasissutissat § 35 a naapertorlugu malittarisassat atuutsinneqartut malillugit nalunaaruteqartussaataitanermut piffissaritinneqartup naanerani ukiuni tallimani paarineqartassapput.”</p>
	<p>2. § 33 d kingorna ilanngunneqassaaq: ” § 33 e. Digitalimik kiffartuussisarfikkoortumik illuutini aalaakkaasunik attartortitsinernik kiisalu taakkununga akiliinernut sullissisoq, akileraarutissat annertussusilernissaannut atugassanik ukiut tamaasa kaammattorneqarani akileraartarnermut ingerlatsivimmut sullissinerup imarisai pillugit paasissutissiissaaq, ilanngullugit attartornermut akiliutiniq tigusisoq, immikkoortoq attartortinneqartoq, ullut unnuallu attartortitsiviusut, akiliutit ingerlateqqinneqartut annertussusaat, kontunormu attartornermut akiliiffiusoq pillugit paasissutissat, kiisalu attartortitsisoq pillugu paasissutissat, ilanngullugit aqqa, najugaa, cpr nr. assigisaaluunniit attartortitsisup qularnaatsumik</p>

	<p>kinaassusersinissaanut nalequttoq. Paasissutissiisussaataaneq akunnittarfinnut, unnuisitsisarfinnut assigisaannullu inuussutissarsiutigalugu ingerlatanut, inimik imaluunniit inissiamik attartortitsinernik taamaallaat sullissivigineqartunut, atuutinngilaq. <i>Imm. 2.</i> Imm.1 malillugu paasissutissiisussaataaneq aamma illuutininik aalaakkaasunik attartortitsinernik sullissinernut, digitalimik kiffartuussisarfikkoortumik ingerlanneqartunut, kiffartuussinermut akiliuteqarneq kiffartuussisarfikkoortumik ingerlanneqarsimappat, aamma atuuppoq. <i>Imm. 3.</i> Paasissutissiisussaataaneq akunnittarfinnut, unnuisitsisarfinnut assigisaannullu inuussutissarsiutigalugu ingerlatanut, inimik imaluunniit inissiamik attartortitsinernik taamaallaat sullissivigineqartunut, atuutinngilaq. <i>Imm. 4.</i> Naalakkersuisut imm. 1 aamma 2 malillugit paasissutissanik tunniussisarneq pillugu maleruagassanik erseqqinnerusunik aalajangersaasinnaapput.</p> <p>§ 33 f. Akilerneqarluni tunisassianik aalisarnermeersunik, piniarnermeersunik, aallaaniarnermeersunik, savaateqarnermeersunik, kusanartulianeersunik imaluunniit eqqumiitsulianeersunik tuniniaanernik sullissisoq, tuniniaaneq inuussutissarsiortumut B-tut isertitaqaataappat, akileraarutissat annertussusilernissaannut atugassanik ukiut tamaasa kaammattorneqarani akileraartarnermut ingerlatsivimmut aqqa, najugaa aamma cpr nr. paasissutissiisutigalugit sullissinerup</p>
--	---

	<p>imarisai pillugit paasissutissiissaaq, ilanngullugit tunisassianut akiliutinik tiguisusaaq, kiisalu akiliutit ingerlateqqinneqartut annertussusaat pillugit paasissutissat.</p> <p><i>Imm. 2. Naalakkersuisut imm. 1 malillugu paasissutissanik tunniussisarneq pillugu maleruagassanik erseqqinnerusunik aalajangersaasinnaapput.”</i></p>
	<p style="text-align: center;">§ 2</p> <p>Inatsisartut inatsisaat ulloq 1. januar 2020-mi atuutilerpoq.</p>

3. Pisortanut aningaasaqarnikkut allaffissornikkullu sunniutaasussat

Siunnersuut akileraarutinik suliaqarnerit ingerlanerisa pitsaanerulernissaannik qulakkeerinneqataassaaq.

Allanit nalunaarutiginninneq pisuni amerlasuuni naammassinninnerup qaffasinnerulerneranik aammalu nalunaarutiginninnerup pitsaanerulerneranik malitseqartarpoq.

Paasissutissiisusaaqtaanerit nutaat aqqissuussinerup atuutsinneqalerneranut atatillugu aningaasartuuteqarnerulernermik malitseqassasut naliliisoqarpoq, ilanngullugit edb atorlugu periaatsinik pioreersunik naleqqussaaneq, kiisalu paasissutissat tiguneqartut pitsaassusaat naammaginarnersoq qulakkeerneqarnissaanut atatillugu isumalluutinik atuinerulernissaq, pingaartumik atuutsitsilernerup nalaani. Taamaattoq paarlattuanik naammassinnittarneq qaffasinnerulerpat aammalu nalunaarutiginninnerup pitsaassusaa pitsaanerulerpat, isumalluutit ullumikkut akileraarusiinissamut atatillugu atorneqartartut ilai allamut atorsinnaalissasut naatsorsuutigineqarpoq.

Akileraarutitigut isertitaqarnerulernissaq naatsorsuutigineqartoq ukiuni aggersuni akileraarutinik akiliutissanik aalajangersaanermi nalorninartortaareersut iluanniimmata, 2020-mut kingornaniittunullu akileraarutitigut isertitassatut missingersorneqareersut allanngortinnissaat pisariaqarsorineqanngilaq.

Paasissutissiisussaataitaneranut nutaanut atatillugu aningaasartuutaanerulersussat, ilanngullugit edb atorlugu periaatsinik pioreersunik naleqqussaaneq, kiisalu paasissutissat tiguneqartut pitsaassusaat naammaginarnersoq qulakkeerneqarnissaanut atatillugu isumalluutininik atuinerulernissaq, pingaartumik atuutsitsilernerup nalaani, aningaasarsianut katillugit 250.000 koruunit missaannik aammalu 2020-mi aamma 2021-mi Akileraartarnermut Aqutsisoqarfimmi IT-mut aningaasartuutaanerulersussanut 250.000 koruunit missaannik annertussuseqassasut naatsorsuutigineqarpoq. Aningaasartuutaanerusussat taakkua, inatsissatut siunnersuut manna akuerineqassappat, AIS 2020-p aappassanneerneqarnissaanut allannguutissatut siunnersuutitut ilanngunneqassapput.

4. Inuussutissarsiortunut aningaasaqarnikkut allaffissornikkullu sunniutaasussat

Aningaasatigut kontunik nunanut allanut attuumassutilinnik nalunaaruteqartarnermut tunngavigineqartumut atatillugu piffissap paasissutissanik paarinniffiusussap allanngortinneqarnissaanik siunnersuut inuussutissarsiutinik ingerlataqartunut aningaasaqarnikkut kinguneqassanngitsoq nalilerneqarpoq.

Aammattaaq aningaasaqarnikkut suliffeqarfiit nalunaaruteqartussaasut piffissap paasissutissanik paarinniffiusussap sivitsorneqarnerata kingunerisaanik paasissutissanik piiaanissap kinguartinneqarnissaanik pisussaaffilerneqarnissaat pissutigalugu siunnersuut inuussutissarsiutinik ingerlataqartunut allaffissornikkut killilerujussuarmik kinguneqassaaq.

Ingerlatitseqqinnermik ingerlatseqatigiiffiit aammalu attartortitsisarnermik imaluunniit aalisarnikkut tunisassianik inuussutissarsiuteqarnerup iluani sullissisartutut suliaqartut paasissutissiisussaataitanerat pillugu siunnersuut, attartortitsisoq aammalu attartortinneqartoq pillugit paasissutissanik suussusersiinissamut aamma piniarnermut atatillugu kiisalu akileraartarnermut ingerlatsivimmul nalunaarutiginninnermut atatillugu allaffissornermut saniatigut aningaasartuuteqarnissaq naatsorsuutigisariaqarpaat.

Paasissutissat suut ingerlatseqatigiiffiit sullissisartut tigoreertarneraat, aningaasartuutitut apeqqutaassaaq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut imaluunniit inuit peqqissusaannut sunniuteqassanngilaq.

6. Innuttaasunut sunniutaasussat

Siunnersuut ingerlatitseqqinnermik ingerlatseqatigiiffiit aammalu attartortitsisarnermik imaluunniit aalisarnikkut tunisassianik inuussutissarsiuqarnerup iluani sullissisartutut suliaqartut eqqornerusumik akileraarutininik akiliisarnissaannut qulakkeerinneqataassaaq.

Paasissutissat piniarneqartut nammineerluni nalunaarsuiffimmut inissinneqareertassapput, tamannalu akileraarusiinernik suliaqarnerit ingerlaneranni akileraartussaataitaasumut pisariinnerulersitseqataassasoq, peqatigisaanillu akileraarutininik akiliuteqarnerit eqqornerulernissaannik qulakkeerinnessasoq, naatsorsuutigineqarpoq.

Siunnersuut innuttaasunut allaffissornikkut sunniuteqassanngilaq.

7. Sunniutaasussat annertuut allat

Siunnersuut allanik annertuunik sunniuteqassanngilaq.

8. Oqartussat kattuffiillu il.il. tusarniaaffigineqarnerat

Siunnersuut piffissami 25. marts 2019-imit 29. april 2019-ip tungaanut ukununnga tusarniaassutigineqarpoq: Deloitte, Grønlands Revisionskontor, BK Revision, Ey Grønland, GrønlandsBanken, BankNordik, Sulisitsisut, NUSUKA, SIK, KANUNUPE, Naalakkersuisut Siulittaasuata Naalakkersuisoqarfia, Inuussutissarsiornermut Nukissiuuteqarnermullu Naalakkersuisoqarfik, Ineqarnermut Attaveqatigiinnermullu Naalakkersuisoqarfik, Pinngortitamut, Avatangiisinut Ilisimatusarnermullu Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, Peqqissutsimut Naalakkersuisoqarfik, Aatsitassanut Suliffeqarnermullu Naalakkersuisoqarfik, Isumaginninnermut Inatsisinillu Atuutsitsinermit Naalakkersuisoqarfik, Nunani allani Pissutsinut Naalakkersuisoqarfik, Aalisarnermut, Piniarnermut Nunalerinerimullu Naalakkersuisoqarfik, Kommuneqarfik Sermersooq, Qeqqata Kommunian, Kommune Kujalleq, aamma Advokatforeningen.

Aammattaaq siunnersuut Naalakkersuisut tusarniaanermut nittartagaanni uani www.naalakkersuisut.gl tamanut saqqummiunneqarpoq.

Tusarniaanermut piffissaliussap naanerani makkunangga tusarniaanermut akissuteqaatit tiguneqarput: Peqqissutsimut Naalakkersuisoqarfik, Naalakkersuisut Siulittaasuata Naalakkersuisoqarfia, Isumaginninnermut Inatsisinillu Atuutsitsinermit Naalakkersuisoqarfik, Aatsitassanut Suliffeqarnermullu Naalakkersuisoqarfik, SIK, BankNordik kiisalu Sulisitsisut.

Tusarniaanermi tigusat oqaaseqaateqarfiginissaat pisariaqartinneqarsimanngilaq.

Piffissap tusarniaaffiusup naareernerata kingorna siunnersuut nutaanik arlalinnik, aningaasaqarnikkut kontut pillugit paasissutissanik uninngasuutiginninnissamut tunngassuteqartunik, ilanngussisoqarpoq. Ilanngunneqartut piffissami 26. juni 2019 - 3. juli 2019 GrønlandsBankenimut, BankNordikimut, Sulisitsisunut, Inuussutissarsiornermut, Nukissiuuteqarnermut Iisimatusarnermullu Naalackersuisoqarfimmut kiisalu SIK-mut tusarniaassutigineqarput.

Tusarniaanermut piffissamut killiliussap naanerani Sulisitsisunit, Inuussutissarsiornermut, Nukissiuuteqarnermut Iisimatusarnermullu Naalackersuisoqarfimmit kiisalu BankNordikimit tusarniaanermut akissuteqaatit tiguneqarput.

§ 33 f-imut nassuiaatit § 33 e-mut nassuiaatini allassimasut, Sulisitsisut tusarniaanermut akissuteqaamminni oqaatigaat.

Naalackersuisut siunnersuummi nr. 2-mut nassuiaatini kukkunermik nassaannngillat. Taamaalilluni allannngortitsisoqannngilaq.

Avannaata Kommunia kiisalu Kommune Qeqertalik Tusagassiivik aprilimi tusarniaalluni siunnersuutip nassiuunneqaqqaarneranut atatillugu ajoraluartumik tusarniarneqarsimanngitsut, tusarniaanermut akissuteqaatit atuarneqarnerannut atatillugu Naalackersuisut eqqumaffigilerpaat. Tusarniaaffigineqartut allassimaffiata nutarterneqanngitsup atorneqarsimanera pissutaalluni, ajuusaarnartumik kukkusoqarsimanera tassani pineqarpoq.

Taamaattumik siunnersuut tamarmiusoq piffissami 25. juni 2019-mi 30. juli 2019-mut Avannaata Kommunianut kiisalu Kommune Qeqertalimmut Tusagassiivimmut tusarniaassutigineqarpoq.

Tusarniaaneq oqaaseqaateqarnissamut pissutissaqalersitsisimanngilaq.

Siunnersuummi aalajangersakkanut ataasiakkaanut nassuiaatit*§ 1-imut*

Nr. 1-imut

§ 18, imm. 5-imut

Akileraaruserinermik ingerlatsineq pillugu inatsimmi § 18, imm. 1 naapertorlugu suliffeqarfimmik ingerlatsisup ingerlatsinermi ilaatut inatsit malillugu nalunaaruteqartussaataasoq paasissutissanut nalunaarutigineqartussaasunut tunngavigineqartoq paarissavaa, tassungalu ilanngullugit paasissutissaq nalunaarutigineqartussaansoq pillugu aalajangiinissami paasissutissat atorineqartussat paarissallugit. Paarinninneq naatsorsuuserinermi atorineqartussat paarineqartarnerat pillugu naatsorsuuserinermi inatsimmi malittarisassat malillugit pissaaq.

Inatsimmi tassani § 18, imm. 4 malillugu naatsorsuutinik takutitsisussaataasup ukiup naatsorsuuseriffiusup atorineqartussat attuumassuteqartup naanerani naatsorsuuserinermi atorineqartussat ukiuni 5-ini paarissavai.

Akileraaruserinermik ingerlatsineq pillugu inatsimmi § 18-imi imm. 5 nutaaq ilanngunneqassasoq siunnersuutigineqartoq, taanna malillugu akileraaruserinermik ingerlatsineq pillugu inatsimmi § 35 a naapertorlugu maleruaqqusat atuuttut malillugit paasissutissanut nalunaarutigineqartussanut tunngavigineqartoq, tassungalu ilanngullugu paasissutissat nalunaarutigineqartussaataansut pillugu aalajangiinissamut atugassat akileraaruserinermik ingerlatsineq pillugu inatsimmi § 35 a naapertorlugu maleruaqqusat atuutsinneqartut malillugit piffissap nalunaaruteqarfiusussap naanerani paasissutissat ukiuni 5-ini paarineqartassallutik. Akileraaruserinermik ingerlatsineq pillugu inatsimmi § 35 a aningaasanut kontut USA-mut attuumassuteqartut ilisimanissaat nalunaarutigineqarnissaallu pillugit Namminersorlutik Oqartussat nalunaarutaat nr. 5, 3. maj 2017-imeersoq aammalu aningaasatigut kontunik nunanut allanut attuumassutilinnik kinaassutsimik uppersaasaarneq nalunaaruteqartarnerlu pillugu Namminersorlutik Oqartussat nalunaarutaat nr. 13, 30. august 2017-imeersoq naapertorlugit atuutsinneqalerpoq.

Siunnersuutip nassatarisaanik nalunaarutit taakku 2-t malillugit atorineqartussat nalunaaruteqartussaansermi tunngavigineqartut nalunaarutit malillugit nalunaaruteqartussaansermut killissarititap naanerata kingorna sivikinnerpaamik ukiuni 5-ini paarineqartassapput. Killissarititaasoq tassaavoq qaammatisiutit ukiuata nalunaaruteqarfiusussap kingorna ulloq 1. maj. Ulloq 1. maj arfininngorneruppat, sapaataappat ullorluunniit nalliuttuuppat killissarititap tassaavoq ulluinaq tulluuttoq. Taamaaqataanik atorineqartussat aningaasaqarnikkut kontu nalunaarutaasussaataansoq pillugu

aalajangiinissamut tunngavigineqartut piffissami tassani aamma paarineqartassapput. Nalunaarutit malillugit kontut nalunaarutigineqartussaataasut suussusersiniarneranni periutsinut atorineqartunut atortussat taakku paasissutissaassapput.

Kalaallit Nunaata suliassaarfimmi tamatumani nunani tamalaani periutsinik malinninnissaanut allannguutit taakku qulakkeerinnissapput.

Nr. 2-mut

§ 33 e-mut

Imm. 1-imut

Imm. 1-imi aalajangersakkami digitalimik kiffartuussisarfikkoortumik illuutunik aalaakkaasunik attartortitsinernik sullissisup akileraartarnermut ingerlatsivimmut paasissutissiisussaataalerneru atuutsinneqalerpoq. Paasissutissiisussaataaneq nammineq attartortitsinermut tunngasorpiami peqataanani illuummik aalaakkaasumik attartortitsinermik suliaqarsimasumut, atuuppoq.

Sullissisup attartortitsinermik sullissinerminut ilanngullugu aamma attartornermut akiliummik ingerlatitseqqissimalluni pisoqarnerinut, paasissutissiisussaataaneq killilerneqarpoq. Attartortitsinermik tassungalu akiliinermik sullissisoq susorlu assigiissasut piunarsaqaataangilaq. Niuernikkut kiffartuussiviusartup aamma akiliisitsiviusartup imminnut atassuserneqarsimanerat naammappoq.

Paasissutissiisussaataaneq akunnittarfinnut, unnuisitsisarfinnut assigisaannullu inuussutissarsiuugalugu ingerlattanut akunnittarfimmi il.il. inimik, inissianik attartortitsinernik taamaallaat sullissivigineqartunut, atuutinnigilaq, tassami attartortitsinermi isertitat ingerlatsinermi isertitatut nalinginnaasutut suliffeqarfimmi ilaatinneqassammata, taamaalillutillu akileraartarnermut inatsimmi nalinginnaasumik uppersaasiinissamik piunarsaqaateqarnermi pineqartunut ilaallutik.

Sullissisup paasissutissanik sunilluunniit akileraartarnermut ingerlatsiviup eqqortumik akileraarusiinnaanissaanut pisariaqartunik Akileraartarnermut ingerlatsivik nalunaarfiggissavaa. Paasissutissiisussaataanermi ilaatigut attartortitsinermut isumaqatigiissut aammalu attartornermut tassunga akiliutit pillugit paasissutissat pineqartunut ilaapput, ilanngullugit ullut unnuallu attartorfiusut amerlassusaat kiisalu akiliutip annertussuaa.

Tamatuma saniatigut paasissutissiisussaataanermi attartortitsisoq pillugu paasissutissat pineqartunut ilaapput, ilanngullugit atia, najugaa, cpr nr. assigisaaluunniit kiisalu kontunormu, attartornermut akiliutip akilerneqarfissaa. Paasissutissat suussusersinissaannut ilanngullugu,

paasissutissiisussaataitaasup nammineq atini aamma cvr.nr.-ini atorlugu kinaassutsiminik nalunaarutiginninnissaa pisariaqarpoq.

Paasissutissiisussaataitaaneq attartortittakkamut tunngassuteqarpoq, taamaattumillu attartortitsinissamut isumaqatigiissut, attartortitsisoq aamma sullissisua pillugit paasissutissanut ilanngullugu attartortittakkanut ataasiakkaanut tamanut paasissutissanik nalunaarutiginnittoqassaaq. Attartortittagaq isumaqarpoq illuummi aalaakkaasumi unnuinissamut periarfissat ataasiakkaat, attartortitsinermi isertitaqarfiusartut, tamarmik. Paasissutissani illuutip najugaa imaluunniit illuutip normua ilaatinneqassapput.

Imm. 2-mut

Imm. 2-imi aalajangersakkani aalajangersarneqarpoq, paasissutissiisussaataitaaneq aamma sullissisup assersuutigalugu attartortitsisoq sinnerlugu illuummi aalaakkaasumi attartortitsinissaq pillugu isumaqatigiissuteqarnerani, taannalu aqputigalugu attartortitsinermut akiliinernik suliaqarnerani, sullissisunut digitalimik aallaaveqarnerit aqputigalugit pisartut saniatigut sullissinermi aqputigineqartut allat aqputigalugit sullissisartunut atuuttoq.

Allat allagarsiivissat assigisaalluunniit aqputigalugit taamaallaat attartortitsisitsisartut, taamaaliornerminni tamatumunnga atatillugu attartortitsinermi akuunatik, ilanngullugit attartortitsisup aamma attartortup akornanni isumaqatigiissut imaluunniit attartortitsinermut akiliuteqarnerit, paasissutissiisussaataitaanermi pineqartunut ilaangillat.

Imm. 3-mut

Imm. 3-imi aalajangersakkami aalajangersarneqarpoq Naalakkersuisut nalunaarummi ilaatigut paasissutissiisussaataitaanermut piumasqaatinik annertunerusunik aalajangersaasinnaasut, ilanngullugu paasissutissat qanoq iluseqartillugit tunniunneqassanersut.

§ 33 f-imut

Imm. 1-imut

Imm. 1-imi aalajangersakkami aalajangersarneqarpoq kalaalimineerniarfikkoortumik, digitalimik aallaavigisakkoortumik assigisaanniilluunniit tunisassianik aalisarnermeersunik, piniarnermeersunik, aallaaniarnermeersunik, savaateqarnermeersunik, eqqumiitsuliornermeersunik kusanartuliornerneersunillu akilerneqarlutik tuniniaassussisut, suut sullissisutaasimanersut, kikkut akiliutinik tigusaqarsimanersut aammalu aningaasat qanoq annertutigisut pissarsisussap tigusimanerai il.il. ukiut tamaasa akileraartarnermut ingerlatsivimmuut nalunaarutigisassagai.

Paasissutissiisussaataitaaneq akilerneqarlutik tunisassianik pineqartunik tuniniaasitsisunut tamanut atuuppoq. Tuniniaaneq assersuutigalugu kalaalimineerniarfik kommunimit

pigineqartoq aqputigalugu ingerlanneqarpat, aammalu kommuni tunisanut akiliuteqartitsisarp, kommuni nalunaarutiginnittussaataavoq.

Tuniniaasitsisoq akiliummik tigusaqarsimangippat, pineqartoq nalunaarutiginnittussaataassanngilaq. Aalisartoq assersuutigalugu inuit akornanni attaveqatigiittarfinni allagarsiinikkut aalisakkanik tunisaqarsimappat, attaveqatigiittarfik pineqartoq tamatumunnga akiliuteqarfigneqarani, attaveqatigiittarfik nalunaarutiginnittussaataassanngilaq.

Akiliutitut isigineqarput aningaasat tunisassiap pineqartup tuniniarneranut akiliutigineqartut.

Sullissisutut isigineqarpoq akilerneqarluni tunisassianik pineqartunik tuniniaassussisoq.

Paasissutissiisussaataanermi pineqarput ateq, najugaq, cpr nr. kiisalu kontunormu nioqutissanut akiliutinik akiliiffiusoq pillugit paasissutissat.

Imm. 2-mut

Imm. 2-imi aalajangersakkami aalajangersarneqarpoq, Naalakkersuisut nalunaarummi ilaatigut paasissutissiisussaataanermut piumasaqaatinik annertunerusunik aalajangersaasinnaasut, ilanngullugu paasissutissat qanoq iluseqartillugit tunniunneqassanersut.

§ 2-mut

Inatsisartut inatsisaat ulloq 1. januar 2020-mi atuutilissasoq siunnersuutigineqarpoq.